

Na osnovu člana 115. Statuta Univerziteta u Sarajevu, a u vezi sa članom 70. i članom 32. Zakona o javnim nabavkama BiH ("Službeni glasnik BiH" broj 39/14 i 59/22), na osnovu Zapisnika o pregledu i ocjeni ponuda broj 03-4-1754-3/24 od 05.11.2024. godine, u postupku Javne nabavke **roba – MICROSOFT LICENCI**, objavljenog na Portalu javnih nabavki pod brojem 29329-1-1-88-3-36/24 dana 10.10.2024. godine, Odluke o dodjeli ugovora najpovoljnijem ponuđaču za javnu nabavku ROBE broj 01-3- 1793-1/24 od 05.11.2024. godine, zaključuje se:

## **OKVIRNI SPORAZUM**

### **Između:**

**Univerzitet u Sarajevu – Fakultet političkih nauka**

**Sjedište: Skenderija 72 , 71 000 Sarajevo**

**koju zastupa dekan prof. dr. Sead Turčalo**

**Identifikacijski broj: 4200494560139**

**(u daljem tekstu: Ugovorni organ)**

**i**

**FIXIT d.o.o (naziv Ponuđača/Dobavljača)**

**Sjedište: Zaima Šarca 34, 71000 Sarajevo**

**koju zastupa direktor Mirza Čepalo**

**Identifikacijski broj: 4202048930006**

**Transakcijski račun: 1340011120889202 Asa banka dd Sarajevo**

**: 1610000167430062 Raiffeisen bank dd**

**(u daljem tekstu: Dobavljač)**

## **PREDMET OKVIRNOG SPORAZUMA**

### **Član 1.**

Predmet Okvirnog sporazuma je nabavka roba: **Microsoft licenci**,

prema ponudi ponuđača **Fixit d.o.o Sarajevo**, od 31.10.2024. godine, zaprimljene kod Ugovornog organa Univerziteta u Sarajevu-Fakulteta političkih nauka dana 30.10.2024. godine pod brojem 03-4-1750-1/24, a na osnovu Odluke o izboru najpovoljnijeg ponuđača broj: 01-3-1793-1/24 od 05.11.2024. godine.

Ponuda sa specifikacijom roba i dokumentacija dostavljena po predmetnoj nabavci sastavni su dio ovog sporazuma.

## **Član 2.**

Okvirni sporazum (u daljem tekstu: sporazum) se zaključuje na period od 2 (dvije) godine i traje do isteka sporazuma odnosno do utrošene maksimalne finansijske vrijednosti:

**do 14.000,00KM bez uračunatog PDV-a, odnosno 16.380,00 KM sa uračunatim PDV-om na dvogodišnjem nivou.**

Finansijska sredstva za predmetnu nabavku obezbijedena su u skladu sa Odlukom Upravnog odbora o usvajanju Plana nabavki organizacionih jedinica Univerziteta u Sarajevu, broj:02-2-3/24 od 30.01.2024

## **USLOVI I NAČIN PLAĆANJA**

### **Član 3.**

Plaćanje će se izvršiti u roku 60 (šezdeset) dana od dana zaprimanja računa za stvarno isporučenu robu. Plaćanje se obavlja na žiro račun Dobavljača. Ugovorni organ ne prihvata avansno plaćanje i traženje sredstava osiguranja plaćanja. Ukupna plaćanja bez PDV-a na temelju sklopljenog okvirnog sporazuma ne smiju prelaziti vrijednost okvirnog sporazuma.

Obaveza Ugovornog organa da isplati cijenu podrazumijeva poduzimanje mjera i udovoljavanje formalnostima predviđenim Okvirnim sporazumom ili odgovarajućim zakonima i propisima da bi se omogućilo plaćanje.

Dobavljača je dužan izdati / sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje dobavljač jednostrano unese u fakturu ne obavezuju Ugovornog organa ni onda kada je fakturu primio, a nije joj prigovorio.

## **ROK ISPORUKE**

### **Član 4.**

Rok isporuke ukupno ugovorene i specificirane količine robe, kao i pripadajućih roba iz člana 1. ovog okvirnog sporazuma je 45 dana dana od momenta zaprimanja narudžbenice/ugovora. Pod isporukom se podrazumijevaju sve potrebne radnje koje je dobavljač dužan obaviti, prema okvirnom sporazumu i prirodi posla, da bi Ugovorni organ mogao primiti isporuku. Mjesto izvršenja obaveza je Univerzitet u Sarajevu Fakultet političkih nauka, Skenderija 72, 71000 Sarajevo.

Ugovorni organ se obavezuje isplatiti cijenu i preuzeti isporuku ugovorene robe onako kako je predviđeno ovim okvirnim sporazumom. Obaveza preuzimanja isporuke općenito se sastoji u obavljanju svih radnji koje se razumno od njega očekuju da bi omogućio dobavljaču da isporuči robu.

Do isporuke / predaje robe Ugovornom organu(do dana obostranog potpisivanja zapisnika o kvantitativnom prijemu robe bez primjedbi) rizik slučajne propasti ili oštećenja stvari snosi

dobavljač, a s isporukom / predajom stvari rizik prelazi na Ugovornog organa. Rizik ne prelazi na Ugovornog organa ako je isti zbog nekog nedostatka isporučene / predane robe raskinuo okvirni sporazum ili tražio zamjenu robe.

Dobavljač je dužan da o svom trošku ugovorenu robu osigura od uobičajenih rizika. Dobavljač vrši osiguranje do momenta prelaska rizika u skladu sa ovim, a Ugovorni organ od tog momenta.

## **SKLAPANJE UGOVORA NA OSNOVU OKVIRNOG SPORAZUMA**

### **Član 5.**

Kada se utvrdi potreba za nabavkom, sačinjava se specifikacija i spisak roba sa potrebnim količinama na osnovu koje se izrađuje Ugovor po okvirnom sporazumu za konkretnu nabavku.

Dobavljač može odbiti ugovor samo u slučaju da isti nije u skladu sa tenderskom dokumentacijom za nabavku, odabranom ponudom i ovim Okvirnim sporazumom. U slučaju povrede ugovornih obaveza nastalih potpisivanjem ugovora na osnovu Okvirnog sporazuma, ugovorne strane mogu raskinuti ugovorni odnos pisanim putem ili na drugi dokaziv način.

## **ODGOVORNOST ZA MATERIJALNE I PRAVNE NEDOSTATKE**

### **Član 6.**

Dobavljač odgovara za materijalne nedostatke stvari koje je ona imala u času prelaza rizika na Ugovornog organa, bez obzira na to da li mu je to bilo poznato. Dobavljača odgovara i za one materijalne nedostatke koji se pojave nakon prelaza rizika na Ugovornog organa ako su posljedica uzroka koji je postojao prije toga. Neznatan materijalni nedostatak ne uzima se u obzir. Šta se podrazumijeva pod neznatnim materijalnim nedostatkom zajednički / komisijski utvrđuju Ugovorni organ i Dobavljač. U obavijesti o nedostatku stvari Ugovorni organ je dužan potanje opisati nedostatak i pozvati Dobavljača da pregleda predmet. Ako obavijest o nedostatku koju je Ugovorni organ blagovremeno poslao dobavljaču preporučenim pismom, telefaksom ili na neki drugi pouzdan način, zakasni ili uopšte ne stigne do dobavljača smatra se da je Ugovorni organ izvršio svoju obavezu da obavijesti dobavljača. Nedostatak postoji ako ugovorena / isporučena roba nema svojstva i odlike koje su izričito određene ovim ugovorom. Dobavljač odgovara i za nedostatke koje je Ugovorni organ mogao lako opaziti ako je izjavio da roba nema nikakve nedostatke ili da ima određena svojstva ili odlike.

Dobavljač odgovara ako na isporučenoj robi postoji neko pravo trećeg koje isključuje, umanjuje ili ograničava pravo Ugovornog organa, a o čijem postojanju Ugovorni organ nije bio obaviješten, niti je pristao da primi robu opterećenu tim pravom. Ukoliko se pokaže da treća osoba polaže neko pravo na ugovorenu robu, dužan je obavijestiti o tome (obavještenje se vrši na način iz prethodnog stava ovog člana - preporučeno pismo ili telefaks ili neki drugi pouzdan način), izuzev kad je to već poznato.

## **ZATEZNA KAMATA**

### **Član 7.**

Na zakašnjela plaćanja dobavljač će zaračunavati Ugovornom organu zatezne kamate prema primjenjivom / pozitivnom propisu.

## **VIŠA SILA**

### **Član 8.**

Ako slučaj više sile, potpuno ili djelimično spriječi izvršenje obaveza po ovom okvirnom sporazumu, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od 7 dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja. Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog okvirnog sporazuma, koji su nastali mimo volje ugovornih strana, čije nastupanje i dještvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom. Kao slučajevi više sile smatraju se sljedeći događaji: rat i ratna dještva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglasi kao slučajeve više sile.

Za vrijeme trajanja više sile obaveze ugovornih strana po ovom okvirnom sporazuma miruju, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile. Ukoliko slučaj više sile bude trajao duže od 10 dana, ugovorne strane će se sporazumijeti o daljnoj sudbini Okvirnog sporazuma.

Ukoliko se ugovorne strane ne sporazumiju o sudbini okvirnog sporazuma, ugovorna strana kod koje nije nastupila viša sila ima pravo na raskid okvirnog sporazuma pošto o tome pismeno obavijesti drugu ugovornu stranu.

## **STUPANJE OKVIRNOG SPORAZUMA NA SNAGU**

### **Član 9.**

Ovaj Okvirni sporazum stupa na snagu danom obostranog potpisivanja od strane ovlaštenih lica ugovornih strana, a zaključuje se na period do 2 (dvije) godine. Svi rokovi u vezi s ovim Okvirnim sporazumom računaju se od dana stupanja Okvirnog sporazuma na snagu.

## **PRIMJENA ZAKONA O OBLIGACIONIM ODNOSIMA**

### **Član 10.**

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog Okvirnog sporazuma, a koji nastanu u vezi i povodom izvršenja ovog okvirnog sporazuma.

## **RJEŠAVANJE SPOROVA**

### **Član 11.**

Sve eventualne sporove i nesporzume koji bi mogli nastati iz ovog Okvirnog sporazuma ili povodom ovog Okvirnog sporazuma, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana, ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

## **OSTALE ODREDBE**

### **Član 12.**

Dobavljač nema pravo zapošljavati, u svrhu izvršenja ovog Okvirnog sporazuma, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju Okvirnog sporazuma, odnosno od početka realizacije Okvirnog sporazuma.

### **Član 13.**

Izmjene i dopune ovog okvirnog sporazuma mogu se vršiti samo pismenim putem. Bit će punovažne i obavezivat će ugovorne strane samo one izmjene i dopune koje su sačinili sporazumno u pismenoj formi.

### **Član 14.**

Okvirni sporazum će biti izmijenjen ukoliko su kumulativno ispunjeni uslovi iz člana 75. stavovi od (5) do (12) Zakona o javnim nabavkama („Službeni glasnik BiH“, broj 39/14, 59/22).

### **Član 15.**

Ovaj Okvirni sporazum je sačinjen u 4 (četiri) istovjetna primjerka, od kojih Ugovorni organ zadržava 3 (tri) primjera, a Dobavljač 1 (jedan) primjerak.

**DOBAVLJAČ**

**UGOVORNI ORGAN**

\_\_\_\_\_  
**Mirza Čepalo, direktor**

\_\_\_\_\_  
**Prof.dr. Sead Turčalo- dekan**

**Broj: \_\_\_\_\_/24**

**Broj: 01-3-1987-1/24**

**Sarajevo, \_\_\_\_\_ . \_\_\_\_\_ .2024. godine**

**Sarajevo, 26.11.2024. godine**